

Пасха - Изобразительные

Читать вместо литургии когда нет иерея

Старший: **М**олитвами святых отец наших, Господи, Иисусе Христе, Сыне Божий, помилуй нас.

Хор: **А**минь.

Христос воскрес из мёртвых, смертью смерть поправ, и сущим во гробех живот даровав. (трижды)

Чтец: Да воскреснет Бог, и расточатся врази Его, и да бежат от Лица Его ненавидящие Его.

Хор: Христос воскрес из мёртвых, смертью смерть поправ, и сущим во гробех живот даровав.

Чтец: Яко исчезает дым, да исчезнут, яко тает воск от лица огня. Христос воскрес: единожды.

Хор: Христос воскрес из мёртвых, смертью смерть поправ, и сущим во гробех живот даровав.

Чтец: Тако да погибнут грешницы от Лица Божия, а праведницы да возвеселятся. Христос воскрес: единожды.

Хор: Христос воскрес из мёртвых, смертью смерть поправ, и сущим во гробех живот даровав.

Чтец: Сей день егоже сотвори Господь, возрадуемся и возвеселимся вонь. Христос воскрес: единожды.

Хор: Христос воскрес из мёртвых, смертью смерть поправ, и сущим во гробех живот даровав.

Чтец: Слава Отцу и Сыну и Святому Духу

Хор: Христос воскрес из мёртвых, смертью смерть поправ, и сущим во гробех живот даровав.

Чтец: И ныне и присно и во веки веков, аминь.

Хор: Христос воскрес из мёртвых, смертию смерть поправ, и сущим во гробех живот даровав.

Старший: Христос воскрес из мёртвых, смертию смерть поправ.

Хор: и сущим во гробех живот даровав.

АНТИФÓНЫ ПАСХИ:

АНТИФОН 1-й:

Стих 1: Восклíкните/ Гóсподеви вся земл́я.

Припев: Молíтвами Богорóдицы, Спáсе спасí нас.

Стих тотже: Восклíкните Гóсподеви вся земл́я,/ пóйте же íмени Егó,
дадíte слáву хвалé Егó.

Припев: Молíтвами Богорóдицы, Спáсе спасí нас.

Стих 2: Рцýте Бóгу: коль стра́шна делá Твоя́,/ во мнóжестве сýлы
Твоея́ солжyт Тебé вразý Твой.

Припев: Молíтвами Богорóдицы, Спáсе спасí нас.

Стих 3: Вся земл́я да поклóнится Тебé,/ и поёт Тебé, да поёт же
íмени Твоемý Вы́шний.

Припев: Молíтвами Богорóдицы, Спáсе спасí нас.

**Слáва Отцý и Сы́ну и Святóму Дýху и ны́не и прýсно и во
вéки векóв. А́мíнь.**

Припев: Молíтвами Богорóдицы, Спáсе спасí нас.

АНТИФОН 2-й:

Стих 1: Бóже ущéдри ны/ и благословí ны.

Припев: Спасí ны, Сы́не Бóжий, воскресýй из мёртвых, пою́щия Ти:
Аллилу́иа. *(Единожды)*

Стих тотже: Бóже, ущéдри ны, и благословí ны,/ просвети лице Твое́
на ны, и помíлуй ны.

Припев: Спаси ны, Сыне Божий, воскресый из мертвых, поющая Ти:
Аллилуиа. *(Единожды)*

Стих 2: Да познаем на земли путь Твой,/ во всех языцех спасение
Твое.

Припев: Спаси ны, Сыне Божий, воскресый из мертвых, поющая Ти:
Аллилуиа. *(Единожды)*

Стих 3: Да исповедятся Тебе людие Боже,/ да исповедятся Тебе людие
вси.

Припев: Спаси ны, Сыне Божий, воскресый из мертвых, поющая Ти:
Аллилуиа. *(Единожды)*

**Слава Отцу и Сыну и Святому Духу и ныне и присно и во
веки веков. Аминь.**

Единородный Сыне и Слове Божий, Безсмертен Сый/ и
изволивый спасения нашего ради/ воплотиться от Святыя
Богородицы и Приснодевы Марии,/ непреложно вочеловечивыйся,/
распный же, Христэ Боже, смертию смерть поправый,/ Един Сый
Святыя Троицы,// прославляемый Отцу и Святому Духу, спаси нас.

АНТИФОН 3-й:

Стих 1: Да воскреснет Бог,/ и расточатся врази Его.

Тропарь: Христос воскрес из мертвых,/ смертию смерть поправ// и сущим
во гробех живот даровав. *(Единожды)*

Стих тотже: Да воскреснет Бог, и расточатся врази Его,/ и да бежат от
лица Его ненавидящие Его.

Тропарь: Христос воскрес из мертвых,/ смертию смерть поправ// и сущим
во гробех живот даровав. *(Единожды)*

Стих 2: Яко исчезает дым, да исчезнут,/ яко тает воск от лица огня.

Тропарь: Христос воскресе из мертвых,/ смертию смерть поправ// и сущим во гробех живот даровав. *(Единожды)*

Стих 3: Тако да погибнут грешницы от лица Божия,/ а праведницы да возвеселятся, да возрадуются пред Богом.

Тропарь: Христос воскресе из мертвых,/ смертию смерть поправ// и сущим во гробех живот даровав. *(Единожды)*

Входный стих: В церквах благословите Бога, Господа от источник Израилевых.

ТРОПАРЬ ПРАЗДНИКА, ГЛАС 4:

Хор: Христос воскресе из мертвых,/ смертию смерть поправ// и сущим во гробех живот даровав.

Слава Отцу и Сыну и Святому Духу и ныне и присно и во веки веков. Аминь.

ИПАКОЙ, ГЛАС 4:

Предваривши утро, яже о Марии,/ и обретши камень отвален от гроба,/ слышаху от Ангела: во свете присносущнем Сущаго/ с мертвыми что ищете, яко человека?/ Видите гробныя пелены, тецыте и миру проповедите,/ яко воста Господь, умертвивый смерть,// яко есть Сын Бога, спасающего род человеческий.

ВМЕСТО ТРИСВЯТОГО:

Елицы во Христа креститесь, во Христа облекостесь. Аллилуия. *(Трижды)*

Слава Отцу и Сыну и Святому Духу и ныне и присно и во веки веков. Аминь.

Во Христа облекостесь. Аллилуия.

Елицы во Христа креститесь, во Христа облекостесь. Аллилуия.

Чтец: Прокимен, глас осьмый:

Сей день егоже сотвори Господь,/ возрадуемся и возвеселимся в онь.

Хор: Сей день егѡже сотвори Господь,/ возрадуемся и возвеселимся
в онь.

Чтец: Исповѣдайтесь Господеви, яко Благ, яко в век мѡлость Егѡ.

Хор: Сей день егѡже сотвори Господь,/ возрадуемся и возвеселимся
в онь.

Чтец: Сей день егѡже сотвори Господь,/

Хор: Возрадуемся и возвеселимся в онь.

Чтец: Деяний святѣх апѡстол чтѣние.

(Деян., зач. 1)

Чтец: Пѣрвое ѹбо слѡво сотворих о всех, о Феѡфиле, яже начат Иисусъ
творити же и учити. Даже до дне, вѡньже, заповѣдав Апѡстолом
Дѹхом Святым, ихже избрѡ, вознесѣся. Пред нимиже и постави Себѣ
жѡва по страданіи Своѣм, во мнѡзех [истинных] знаменіих, дѣньми
четыредесѡтьми являѣся им, и глаголя яже о Цѡрствіи Бѡжии: С
нимиже и ядѡй, повелѣ им от Иерусалима не отлучѡтисѡ, но ждѡти
обетѡванія Ѳтча, еже слышасте от Менѣ: яко Иоанн ѹбо крестил есть
водѡю, вы же имате креститисѡ Дѹхом Святым, не по мнѡзех сих
днѣх. Онѣ же ѹбо сошѣдшесѡ, вопрошѡху Егѡ, глаголюще: Господи,
ѡще в лѣто сіѣ устрѡяеши цѡрствие Израїлево? Речѣ же к ним: несть
вѡше разумѣти временѡ и лѣта, яже Отец положи во Своѣй влѡсти:
Но приимете сілу, нашедшу Святому Дѹху на вы, и бѹдете Ми
свидѣтели во Иерусалиме же и во всей Иудѣи и Самаріи, и дѡже до
последних землі.

Чтец: Глас четвѣртый: Аллилуїя, аллилуїя, аллилуїя.

Хор: Аллилуїя, аллилуїя, аллилуїя.

Чтец: Ты воскрѣс ущѣдриши Сиѡна.

Хор: Аллилуїя, аллилуїя, аллилуїя

Чтец: Госпóдь с Небесé на зéмлю призрé.

Хор: Аллилúия, аллилúия, аллилúия.

Старший: От Иоáнна святаго Евáнгелия чтéние.

Хор: Слáва Тебé, Гóсподи, слáва Тебé.

Старший: **В** начáле бе Слóво, и Слóво бе к Бóгу, и Бог бе Слóво. Сей бе исконí к Бóгу. Вся Тем бы́ша, и без Него́ ничто́же бысть, е́же бысть. В Том живóт бе, и живóт бе свет челове́ком. И свет во тьме свéтится, и тьма егó не объят. Бысть человек по́слан от Бóга, íмя е́му Иоáнн. Сей при́иде во свидéтельство, да свидéтельствуе́т о Свéте, да вси ве́ру íмут Е́му. Не бе той свет, но да свидéтельствуе́т о Свéте. Бе Свет íстинный, Ё́же просвещáет вся́каго челове́ка грядúщаго в мир. В ми́ре бе, и мир Тем бысть, и мир Егó не позна́. Во своя́ при́иде, и сво́й Егó не прия́ша. Ели́цы же прия́ша Егó, даде́ им о́бласть ча́дом Бóжиим бы́ти, ве́рующим во íмя Егó. Ё́же не от крóве, ни от по́хоти плотскíя, ни от по́хоти мýжеския, но от Бóга родíшася. И Слóво плоть бысть, и вселíся в ны, и вíдехом слáву Егó, слáву я́ко Единорóднаго от Отца́, испóлнь благодáти и íстины. Иоáнн свидéтельствуе́т о Нем и воззвá, глаго́ля: Сей бе, Егóже рех, Ё́же по мне Грядýй, прéдо мно́ю бысть, я́ко пёрвее менé бе. И от исполнénия Егó мы вси прия́хом, и благодáть воз благодáть: Я́ко за́кон Моисéом дан бысть, благодáть же и íстина Иисýс Христóм бысть.

Хор: Слáва Тебé, Гóсподи, слáва Тебé.

Глас 6:

Помяни нас, Господи, егда приидеши во Царствии Твоем.

Помяни нас, Владыко, егда приидеши во Царствии Твоем.

Помяни нас, Святой, егда приидеши во Царствии Твоем.

Лик небесный поет Тя и глаголет: Свят, Свят, Свят Господь Саваоф, исполнь небо и земля славы Твоя.

Стих: Приступите к Нему и просветитесь, и лица ваша не постыдятся. Лик небесный поет Тя и глаголет: Свят, Свят, Свят Господь Саваоф, исполнь небо и земля славы Твоя.

Слава Отцу и Сыну и Святому Духу

Лик святых Ангел и Архангел со всеми небесными силами поет Тя и глаголет: Свят, Свят, Свят Господь Саваоф, исполнь небо и земля славы Твоя.

И ныне и присно и во веки веков, аминь.

Верую во Единого Бога Отца, Вседержителя, Творца небу и земли, видимым же всем и невидимым. И во Единого Господа Иисуса Христа, Сына Божия, Единородного, Иже от Отца Рожденного прежде всех век; Света от Света, Бога Истинна от Бога Истинна, рожденна, несотворенна, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятого же за ны при Понтийстем Пилате, и страдавша и погребенна. И воскресшаго в третий день по Писанием, и возшедшаго на небеса и сидяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, Глаголавшего пророки. Во едину Святую, Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущего века. Аминь.

Ослаби, остави, прости Боже, прегрешения наша, вольная, и невольная, яже в слове и в деле, яже в ведении и не в ведении, яже во дни и в ночи, яже во уме и помышлении, вся нам прости, яко Благ и Человеколюбец.

Отче наш, Иже еси на небесех. Да святится Имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь, и остави нам долги наша, якоже и мы оставляем должником нашим. И не введи нас во искушение, но избави нас от лукаваго.

Старший: Господи, Иисусе Христе, Сыне Божий, помилуй нас.

Чтец: Аминь.

КОНДАК ПРАЗДНИКА, ГЛАС 8:

А́ще и во гроб снизше́л еси́, Безсме́ртне,/ но а́дову разруши́л еси́ си́лу/ и воскресе́л еси́, я́ко Победите́ль, Христé Бо́же,/ жена́м

мироно́сицам веща́вый: ра́дуйтесь!// И Твои́м апо́столом мир да́руй,// па́дшим пода́й воскресе́ние.

Господи, помилуй, 12.

Всесвятая Троице, Единосущная Державо, Нераздельное Царство, всех благих Вина, благоволи же и о мне грешнем, утверди, вразуми сердце мое, и всю мою отыми скверну, просвети мою мысль, да выну славлю, пою, поклоняюсь и глаголю: Един Свят, Един Господь, Иисус Христос, во славу Бога Отца, аминь.

Хор: Христос воскресе из мертвых, смертию смерть поправ, и сущим во гробех живот даровав. *(трижды)*

Слава Отцу и Сыну и Святому Духу, и ныне и присно и во веки веков, аминь.

Псалом 33: Благословлю Господа на всякое время, выну хвала Его во устех моих. О Господе похвалится душа моя, да услышат кротции и возвеселятся. Возвеличите Господа со мною, и вознесем имя Его вкупе. Взысках Господа и услыша мя, и от всех скорбей моих избави мя. Приступите к Нему и просветитесь, и лица ваша не постыдятся. Сей нищий воззва, и Господь услыша и, и от всех скорбей его спасе и. Ополчится Ангел Господень окрест боящихся Его, и избавит их. Вкусите и видите, яко благ Господь; блажен муж, иже уповае на Него. Бойтесь Господа, вси святии Его, яко несть лишения боящимся Его. Богатии обнищаша и взалкаша, взыскающии же Господа не лишатся всякого блага. Приидите, чада, послушайте мене, страху Господню научу вас. Кто есть человек хотяй живот, любяй дни видети блага; Удержи язык твой от зла, и устне твои, еже не глаголати лести. Уклонися от зла и сотвори благо, взыщи мира, и пожени и. Очи Господни на праведныя, и уши Его в молитву их. Лице же Господне на творящия злая, еже потребити от земли память их. Воззваша праведнии, и Господь услыша их, и от всех скорбей их избави их. Близ Господь сокрушенных сердцем, и смиренныя духом спасет. Многи скорби праведным, и от всех их избавит я Господь. Хранит Господь вся кости их, ни едина от них сокрушится. Смерть грешников люта, и ненавидящии праведнаго прегрешат. Избавит Господь души раб Своих, и не прегрешат вси уповающии на Него.

Задостойник (Вместо «Достойно...»):

Хор: **А**нгел вопияше Благодатней:/ Чистая Дево, радуйся!/ И паки рекү: радуйся!/ Твой Сын воскресе/ триднєвен от гроба,/ и мертвыя

воздвигнувший:// лю́дие, веселíteся.

Светíся, светíся,/ но́вый Иерусали́ме:/ сла́ва бо Госпо́дня/ на тебе́ возсия́./ Лику́й ны́не/ и веселíся, Сио́не./ Ты же, Чи́стая, красуй́ся, Богоро́дице,// о воста́нии Рожде́ства Твоего́.

Хор: Слава Отцу, и Сыну, и Святому Духу, и ныне и присно, и во веки веков, аминь.

Господи, помилуй. *Трижды.*

Господи, благослови.

Старший: Воскресый из мертвых Христос Истинный Бог наш, моли́твами Пречи́стыя Своея́ Ма́тере, и всех святы́х, поми́лует и спасе́т нас, я́ко Благ и Человеколю́бец.

Хор: Аминь.

Старший: Христос воскресе!

Люди: Воистину воскресе!

Хор: Христос воскресе из ме́ртвых,/ сме́ртию смерть попра́в// и су́щим во гробéх живо́т дарова́в.

И нам дарова́ живо́т вéчный, покланя́емся Его́ триднёвному Воскресе́нию.

Моли́тва на благословение куличей

Старший: **М**олитвами святых отец наших, Господи, Иисусе Христе, Сыне Божий, помилуй нас.

Христос воскресе из ме́ртвых,/ сме́ртию смерть попра́в// и су́щим во гробéх живо́т дарова́в.

При́зри Го́споди Иису́се Христé Бо́же на́ш, на бра́шна мя́с, и освяти́ я, я́коже освяти́л еси́ овна́, егóже Тебе́ приведе́ вёрный Авраа́м, и а́гнца, егóже Тебе́ А́вель во всепло́дие принесé: подо́бне и тельца́ упита́ннаго, егóже жре́ти повеле́л еси́ сы́нови Твоему́ заблуждшему, и па́ки к Тебе́ возвраща́ющемуся: да я́коже то́й сподо́бися Твоея́ бла́гости насладíтися, си́це и освящённых от Тебе́, и благословённых насладíмся в пи́щу всéх нас. Ты бо еси́ и́стинная Пи́ща, и пода́тель благи́х, и Тебе́ сла́ву возсыла́ем со безнача́льным Твои́м Отце́м, и Пресвяты́м, и благи́м, и животворя́щим Твои́м Ду́хом, ны́не и прíсно, и во ве́ки веко́в. аминь.

Владѣко Гóсподи Бóже наш, Зиждѣтелю и Содѣтелю всѣх, благослові млекó огустѣвшее, с нѣмже и яица, и нас соблюди во благасти Твоей, яко да причащающесе их, Твоихъ незавѣстно подательныхъ даровъ исполнимся, и неизглаголанная Твоея благасти: яко Твоя держава, и твоё есть Царство, и сила, и слава, Отца, и Сына, и Святаго Духа, ныне и присно, и во веки вековъ. аминь.

Еда окропляется святой водой

Старший: Воскресый из мертвых Христосъ Истинный Бог наш, молитвами Пречистыя Своея Матере, и всехъ святыхъ, помилует и спасет нас, яко Благ и Человеколюбецъ.

Хор: Аминь.

Старший: Христосъ воскресъ!

Люди: Воистину воскресъ!

Хор: Христосъ воскресъ из мертвыхъ,/ смѣртию смерть поправ// и сущимъ во гробѣхъ животъ даровавъ.

И намъ дарова животъ вѣчный, покланяемся Егó триднѣвному Воскресѣнию.